



**სსიპ სახელმწიფო
შესყიდვების
სააგენტო**

16 / იანვარი / 2025 წ.



KA080136481931525

№ 135

განკარგულება

ი.მ. ეკატერინე ნადირაძის გაფრთხილების შესახებ

შემსყიდველი ორგანიზაცია: სსიპ კოლეჯი „ახალი ტალღა“;

ტენდერის ნომერი: NAT240002751;

შესყიდვის ობიექტი: 03400000 – მეტყვეობისა და ტყეკაფვის პროდუქტები;

მიმწოდებელი: ი.მ. ეკატერინე ნადირაძე (პირადი № 38001036877);

წერილობითი შეტყობინების საფუძველი: სახელმწიფო შესყიდვის შესახებ ხელშეკრულებით ნაკისრი ვალდებულებების არაჯეროვანი შესრულების თაობაზე.

აღწერილობითი ნაწილი

1. ადმინისტრაციული წარმოების დაწყება

1.1. სახელმწიფო შესყიდვების სააგენტოში 2024 წლის 20 დეკემბერს წარმოდგენილ სსიპ კოლეჯი „ახალი ტალღის“ 2024 წლის 20 დეკემბრის №MES6240001637882 წერილობითი შეტყობინება (რეგისტრაციის №11072), რომლითაც სააგენტოს ეცნობა ი.მ. ეკატერინე ნადირაძის (პირადი № 38001036877) მიერ NAT240002751 ელექტრონული ტენდერის საშუალებით დადებული 2024 წლის 7 მარტის №03-08/59 სახელმწიფო შესყიდვის შესახებ ხელშეკრულებით ნაკისრი ვალდებულებების არაჯეროვანი შესრულების თაობაზე.

1.2. სააგენტომ მიმწოდებელს, სახელმწიფო შესყიდვების ერთიან ელექტრონულ სისტემაში მის პროფილში მითითებულ ელექტრონული ფოსტის მისამართზე dimanadiradze@gmail.com მეშვეობით, 2024 წლის 24 დეკემბრის №3698 წერილით აცნობა სააგენტოში შემსყიდველი ორგანიზაციის წერილობითი შეტყობინების წარმოდგენის თაობაზე და, სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-5 მუხლის მე-5 პუნქტის შესაბამისად, სთხოვა ხსენებულ საქმეზე წერილობითი განმარტების წარმოდგენა.

2. შემსყიდველი ორგანიზაციის პოზიცია

შემსყიდველი ორგანიზაციის წერილობითი შეტყობინების თანახმად, მიმწოდებელმა არაჯეროვნად შეასრულა მხარეთა შორის გაფორმებული 2023 წლის 7 მარტის № 03-08/59 ხელშეკრულებით ნაკისრი ვალდებულებები, შემსყიდველი ორგანიზაციის 2024 წლის 20 დეკემბრის № MES6240001637413 წერილით, ცალმხრივად შეწყდა ხელშეკრულება.

3. მიმწოდებლის პოზიცია

ადმინისტრაციული წარმოების პროცესში მიმწოდებელს განმარტება არ წარმოუდგენია.

4. სააგენტოს მიერ დადგენილი გარემოებები

4.1. 2024 წლის 7 მარტს NAT240002751 ელექტრონული ტენდერის საშუალებით სსიპ კოლევ „ახალ ტალღასა“ და ი.მ. ეკატერინე ნადირაძეს (პირადი № 38001036877) შორის დაიდო № 03-08/59 სახელმწიფო შესყიდვის შესახებ ხელშეკრულება, რომლის საფუძველზეც, მიმწოდებელს შემსყიდველი ორგანიზაციისთვის უნდა მიეწოდებინა ხელშეკრულებით გათვალისწინებული საქონელი, ხელშეკრულების გაფორმებიდან 2024 წლის 12 დეკემბრის ჩათვლით. ხელშეკრულების ღირებულებად განისაზღვრა 21 890 ლარი, ხოლო მოქმედების ვადად – 2025 წლის 1 მარტი.

4.2. მიმწოდებლის 2024 წლის 19 დეკემბრის წერილით ირკვევა, რომ ხელშეკრულებით გათვალისწინებული საქონლის ნაწილი მიწოდებული იყო, ხოლო დარჩენილი საქონელი, რომელსაც ამზადებდა პარტნიორი პირი, არ იყო შემსყიდველი ორგანიზაციის მოთხოვნის შესაბამისი, ხოლო ხელშეკრულების მოქმედების ვადებიდან გამომდინარე მასალების თავიდან დამზადება (გამოშრობა) და მოწოდება ამ ეტაპზე იყო შეუძლებელი.

4.3. საქმეში არსებული 2024 წლის 20 დეკემბრის ინსპექტირების კომისიის აქტით, მიმწოდებლის 2024 წლის 19 დეკემბრის წერილის საფუძველზე, მიზანშეწონილად იქნა მიჩნეული ხელშეკრულების შეწყვეტა.

4.4. შემსყიდველი ორგანიზაციის 2024 წლის 20 დეკემბრის № MESS6240001637413 წერილით, ხელშეკრულებით ნაკისრი ვალდებულებების არაჯეროვანი შესრულების გამო, შეწყდა ხელშეკრულება და მიმწოდებელს დაეკისრა პირგასამტეხლო.

4.5. სისტემაში ასახული ფაქტობრივი გადახდების ველში არსებული ინფორმაციით დგინდება, რომ მიმწოდებელმა შეასრულა 20 782 ლარის ღირებულების ვალდებულება, რაც ხელშეკრულების ღირებულების 95%-ს შეადგენს.

სამოტივაციო ნაწილი

5. შემაჯამებელი დასკვნა

საქმეში არსებული მტკიცებულებებისა და გარემოებების შეფასებისა და ურთიერთშეჯერების საფუძველზე, სააგენტო მიიჩნევს, რომ ი.მ. ეკატერინე ნადირაძეს უნდა მიეცეს გაფრთხილება.

6. გამოყენებული სამართლებრივი აქტები

სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესი და პირობები“.

7. სამართლებრივი შეფასება

7.1. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-3 მუხლის მე-4 პუნქტის „ბ“ ქვეპუნქტის თანახმად, სახელმწიფო შესყიდვის ნებისმიერი საშუალებით განხორციელებისას, გარდა კონსოლიდირებული ტენდერისა, პრეტენდენტის/მიმწოდებლის შავ სიაში დარეგისტრირების საფუძველია, თუ მიმწოდებელმა ვერ შეასრულა ან არაჯეროვნად შეასრულა ხელშეკრულებით ნაკისრი ვალდებულებები. იმავედროულად, აუცილებელია, რომ ხელშეკრულების მოქმედების ვადა იყოს გასული ან ხელშეკრულება ვადაზე ადრე იყოს შეწყვეტილი.

7.2. იმავე წესის მე-7 მუხლის მე-2 პუნქტის შესაბამისად, საქმეში არსებული გარემოების გამოკვლევის, შეფასებისა და ურთიერთშეჯერების შედეგად, სააგენტო ადგენს, არსებობს თუ არა პრეტენდენტის/მიმწოდებლის შავ სიაში დარეგისტრირების საფუძველი. იმ შემთხვევაში, თუ არსებობს ამ მუხლის მე-4 პუნქტით გათვალისწინებული გარემოებები, სააგენტო იღებს გადაწყვეტილებას პრეტენდენტის/მიმწოდებლის შავ სიაში დარეგისტრირებაზე უარის თქმის შესახებ, ხოლო იმ შემთხვევაში, თუ არსებობს პრეტენდენტის/მიმწოდებლის შავ სიაში დარეგისტრირების საფუძველი, სააგენტო, ამ მუხლის შესაბამისად, იღებს გადაწყვეტილებას პრეტენდენტის/მიმწოდებლის გაფრთხილების ან შავ სიაში დარეგისტრირების შესახებ.

7.3. განსახილველ შემთხვევაში ირკვევა, რომ მიმწოდებელი არაჯეროვნად ასრულებდა 2023 წლის 7 მარტის № 03-08/59 სახელმწიფო შესყიდვის შესახებ ხელშეკრულებით ნაკისრ ვალდებულებებს, რის გამოც ხელშეკრულება ცალმხრივად შეწყდა. ამდენად, სახეზეა მიმწოდებლის გაფრთხილების ან შავ სიაში დარეგისტრირების წინაპირობა.

7.4. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-3 პუნქტის შესაბამისად, გაფრთხილების ან შავ სიაში დარეგისტრირების შესახებ გადაწყვეტილების მიღებისას, სააგენტო, საქმისთვის მნიშვნელობის მქონე გარემოებებთან ერთად, დამატებით ითვალისწინებს დარღვევის

სიმძიმეს, პრეტენდენტის/მიმწოდებლის მანამდე მიღებული გაფრთხილების ან/და შავ სიაში რეგისტრაციის ფაქტ(ებ)ს.

7.5. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-5 პუნქტის თანახმად, გაფრთხილების შესახებ გადაწყვეტილება მიიღება იმ შემთხვევაში, თუ შემსყიდველი ორგანიზაციის მიერ წარდგენილი წერილობითი შეტყობინება სრულად აკმაყოფილებს ამ წესის მე-3 და მე-4 მუხლებით განსაზღვრულ მოთხოვნებს, მაგრამ პრეტენდენტის/მიმწოდებლის შავ სიაში დარეგისტრირებით დაირღვევა თანაზომიერების პრინციპი. ამ პუნქტის მიზნებისთვის, თანაზომიერების პრინციპი დაირღვევა, თუ: ა) მიმწოდებელს შესრულებული აქვს ხელშეკრულებით ნაკისრი ვალდებულებების, სულ მცირე, 50%; ბ) მიმწოდებელს ჯეროვნად აქვს შესრულებული წერილობითი შეტყობინების სააგენტოში წარმოდგენის დღისთვის უკანასკნელი სამი წლის განმავლობაში გაფორმებული სახელმწიფო შესყიდვის შესახებ არანაკლებ 20 ხელშეკრულება. ამასთან, ასეთ შემთხვევაში, სისტემაში ხელშეკრულებას მინიჭებული უნდა ჰქონდეს სტატუსი „შესრულებული ხელშეკრულება“. ამავ მუხლის 5¹ პუნქტის თანახმად, გაფრთხილება გამოიყენება ერთხელ და მოქმედებს ერთი წლის განმავლობაში. გაფრთხილებულ მიმწოდებელთა სიას სააგენტო განათავსებს ვებგვერდზე.


7.6. განსახილველ შემთხვევაში, სააგენტო მიიჩნევს, რომ შემსყიდველი ორგანიზაციის წერილობითი შეტყობინება აკმაყოფილებს ზემოაღნიშნული წესის მე-3 და მე-4 მუხლებით განსაზღვრულ მოთხოვნებს. ამასთან, მართალია, მიმწოდებელმა არაჯეროვნად შეასრულა ვალდებულებები თუმცა სააგენტო ითვალისწინებს იმ გარემოებას, რომ მიმწოდებელმა შეასრულა 20 782 ლარის ღირებულების ვალდებულება, რაც ხელშეკრულების ღირებულების 95%-ს შეადგენს. ამდენად, სააგენტო მიიჩნევს, რომ, ამ ეტაპზე, ი.მ. ეკატერინე ნადირაძის შავ სიაში დარეგისტრირებით დაირღვევა თანაზომიერების პრინციპი და მიზანშეწონილია მის მიმართ გაფრთხილების გამოყენება.

სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-5 პუნქტით და დაადგინა:

1. ი.მ. ეკატერინე ნადირაძეს (პირადი № 38001036877) 2025 წლის 17 იანვარს მიეცეს გაფრთხილება.
2. დაევალოს სახელმწიფო შესყიდვების სააგენტოს ინფორმაციული ტექნოლოგიების დეპარტამენტს სააგენტოს ვებგვერდზე შესაბამისი ჩანაწერის გაკეთება.
3. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი №64), კანონმდებლობით დადგენილი წესით.

თავმჯდომარე

ხელმოწერილია/
შტამბდასმულია
ელექტრონულად 

ლევან რაზმაძე